

## FILOHA RAVALOMANANA

## Tsy hanaiky intsony isika fa tafahoatra loatra ny habibiana

**N**y sabotsy tolakandro teo, fetsin'ny Noely, no naterina teny amin'ny fasan-drazany teny Ambohimaramanitra ny nofo mangatsiakan'ny Dr Jean Louis Randrianantenainjatovo, maty novonoin'ny sasany tao an-tranony tany Maninday Toliara ny herinandro lasa teo, izy dia vadin'i Me Elisoa mpitarika ny antoko TIM any amin'ny renivohitry ny faritra Atsimo Andrefana sady anisan'ny mpitarika ny RMDM any antoerana koa. Itompokolahy Dr Jean Louis no voati-fitr'ireo mpanafika tao an-tranony, fa Me Elisoa kosa tsy voa fa afaka nandositra. Ny zoma hariva no nam-pandalovina sy nandraisana ny nofo mangatsiakan'ny Dr Jean Louis tao amin'ny foiben-toeran'ny antoko TIM tao Bel'Air Ampandrana. Tao avokoa ny mpitarika ny antoko TIM sy ny RMDM notarihan'ny filoha Marc Ravalomanana, nambarany tamin'izany: "amin'izao fahoriania mihiatra amin'ny fianakaviana izao, izay nandaozan'ilay vady mpanohana; ilay ray izay andry iankinana tampoka

dia mamerina ny fiaraha-miory sy mitondra ny teny fampiononana izahay havana sy namana ka tsy hanary na sanatria hamela anareo irey. Hetraketraka politika izao atao amin' ireto fianakaviana ireto izao, ka tsy afaka hanaiky izany intsony isika satria diso tafahoatra loatra ny habibiana. Tsy ho avelantsika raraka an-tany ny rân'Itompokolahy", hoy izy. Fa nialohan'ny teny Bel'Air ny zoma hariva io, nitsena ny razana teny lavo-loha ny solombavambahoakan'ny antoko TIM, sy ny solontenan'ny birao politikan'ny antoko, amin'ny mahafiloha lefiftry ny TIM sy maha-filoha lefiftry ny RMDM ao amin'ny faritanan'i Toliara an'i Me Elisoa, izay vadin'ny dokotera Jean Louis. Nisy avy eo ny fotoam-pivava-hana fankaherezana tao Bel'Air Ampandrana ary tonga manatrika izany araka ny efa voalaza teo ny filoha Marc Ravalomanana, niombona alahelo tamin'ny fianakaviana, ary toy izao ihany koa ny teny fampaherezana



Ny filoha Ravalomanana teny Bel'Air ny zoma hariva teo.

nataony:

"Tampoka ny fahalasan'an'Itompokolahy, satria dia vokatry ny hetraketraka nataon'ny sasany. Ny hevitra politika tsy mitovy ve no andatsahan'aina toy izao? Andriamanitra irery ihany no tompon'ny aina, ary ho tsarain'Andriamanitra izay nahavanon-doza. Ao izay nananteraka famonoana amin'ny fomba feno habibiana. Ao izay naniraka sy tomponandraikitra. Izy no nikarakara ny rehetra sy nandray anay tamin'ny hetsika rehetra izay natao tany. Vao herinandro mahery kely ny hetsika natao tany Toliara ary hita tany mihitsy ny fanantenan'ny vahoaka sy ny fitiavany antsika. Dia izay no nahatonga ny sasany ho tratan'ny fialonana sy fankahalana. Na inona na inona lazaina sy hazavaina amianay, dia tena motivation politique na hevitra tsy mitovy dia nahavitana naniraka olona analana ain'olona. Tsy afaka hanaiky an'izao intsony isika, fa tsy rariny loatra. Tsy ekentsika. Tena mafy. Noho izaho ve no andatsaha ain'olona, noho isika mijoro ho an'ny firenena ve? Tena mafy. Isika vahoaka dia hijoro mandrakariva", hoy ihany ny filoha Ravalomanana nanamafy ny fanambaranana efa nataony nandritra izany.

Ny Valosoa

Fianjeran'ilay helikôptera

## Mbola tsy mazava sy mampiahiahy ny zava-misy



Tsy nahenoana feo hatreto ny "mécanicien" an'ilay angidimby.

fiarovam-pirenena, sy ny tao amin'ny minisiteran'ny fitaterana tamin'ny alalan'ireo ao amin'ny seranam-piaramanidina ; betsaka ireo nanontany tena hoe fa naninona no maraina vao nisy famoahana ny vaovao ofisialy, raha efa feno io vaovao CRASH na fianjerana io kosa ny tambazotra sosialy ny alin'ny ary nam-pisavorororo ny saim-bahoaka. Tamin'ny firy no nahazo ny fisian'ity crash ity ny fanjakana foibe ary inona ny fandraisana andraikitra natao?

Raha vao nahazo vaovao ve ny fanjakana foibe dia niatomboka tamin'ny fikarohana, sa niandry ny andro maraina, satria toa mampanontany tena ihanay hoe raha nanao fikarohana ve ny alin'ny dia tsy nahita ny Sekreteram-panjakana miadidy ny Zandarimariam-pirenena (SEG), ny jeneraly Serge Gellé, raha avy niara-dia tamin'ny Praiministra lehiben'ny governemanta sy ny mpikambana tao anaty governemanta haifa; izay nandeha angidimby iray hafa.

Ny talata maraina tamin'ny dimy ora sy sasany vao nanao fanambaranana ny nisian'ny loza ny avy ao amin'ny minisiteran'ny fiarovam-pirenena, ka maro ireo nanontany tena hoe tsy mba nisy fampitam-baovao ve avy tao amin'ny seranam-piaramanidina raha vao niseho ny loza?

Raha jerena ny fomba fampitam-baovao dia toa nanao an-tandrevaka ny tao amin'ny minisiteran'ny

ny alin'ny dia nandritra ny alina ve tsy nahita vokatra raha tsy ny talata 21 desambra tamin'ny 08 ora sy 54 minitra, izay nilaza fa hitan'ireo "plongeur" avy ao amin'ny Corps de Protection Civile na miaramila voaofana amin'ny filatsahana any anaty ranomasina ilay angidimby an'ny Tafika.

Miandy fanazavana sy fanampim-vaovao feno ny vahoaka ary tokony hisy ny fanadihadiana Lalina mikasika ity raharaha ity, satria hatreto dia misy velonaina miisa roa ny tao anatin'ilay angidimby, na teo azan y fanambaran'ny SEG, mbola misy ny zavatra tsy mazava, na iniana afenina...

Hatreto dia mbola tsy nahoana feo ilay mecanicien nanomboka ny nati-tana azy ka hatramin'izao. Takian'ny olona koa ny hanomezan'ny fanjakana foibe valisoa ho an'ilay mpanjono namonjy ny Sekreteram-panjakana miadidy ny Zandarimariam-pirenena, nisy izany tamin'ny filan-kevity ny ministra farany tamin'ity taona ity. Ny antony, isan'ireo nahavita ity mpanjono ity sy ny namany, namonjy ny mpiara-belona aminy ary nahavita be ho an'ny vahoaka Malagasy, satria dia tsy vitsy ny olona miandranda ny S.E.G sy ny fomba fiasany eto Madagasikara.

Rajepa

Canal C3 lemak'Ambohimanarina

## Nanampy tamin'ny fanadiovana ny depiote Todisoa

Mitohy ny asa sy ny fitsin-jovana ny vahoaka ataon'ny depiote voafidy tao amin'ny boriborintany faha-6, Todisoa Andriamampandry avy amin'ny antoko Tiako i Madagaskara (TIM). Omaly alatsinainy, na vao avy nankalaza ny fety nahaterahan'ny mpamonjy, ny Krismasy aza, ny mpino rehetra, niasa sahadysy depiote Todisoa, niaraka nanala tsikafona sy nandio ny canal C3 teny amin'ny lemak'i Betsimitatatra ny tenany, sy ireo

tantsaha mivelona amin'ny fambolena teny an-toerana ary ny APIPA. Misy ny aza tagnamaro (HIMO) iarohana amin'ny APIPA mandritra ny 2 herinandro, ka niaraka nome ny tambin-karama an'ireo tantsaha ireo ny Apipa. Teto dia nisaotra ny APIPA ity olom-boafidy ity namaly ny antsony, ka ny irariana hoy izy dia mba hitohy hatrany ny fia-rahama-sia ho tombontsoan'ny be sy maro.

Helisoa



Ny depiote Todisoa, niara-nihosona nanala tsikafona niaraka tamin'ny mponina, tao amin'ny Canal C3.

Ny Valosoa sy fakafaka

## Toa ny vahiny no avela manjaka tanteraka amin'ny toekarena eto

Ahoana no aneken'ny sain'ny vahoaka Malagasy, fa ny 60% ny fihariana sy ny toekarena eto Madagaskara dia eo ambany vahonon'ny teratany vahiny? Ny karana (indiana sy pakistaney) no lohany amin'izany, sy ny teratany frantsay. Izany hoe ny efa antsasa-manila amin'ny fitantanan-karena no lasan'ny vahiny. Raha amina orinasa izany, raha toy ny petrabola antsasany mahery toy izany no an'ilay olona dia izy no tompon'ny orinasa sy mandidy aminy. Soa fa tsy mitovy amin'izay loatra, na manahatahaka izany aza, ny eto amin'ny firenena. Efa anjakan'ny vahiny ny toekarem-pirenena. Efa manomboka ho lasa mpiasan'ny vahiny ilay Malagasy tompon-tany. Manaiky izany ve ny sain'ny Malagasy, raha mbola tena Malagasy marina tokoa? Sehatra maro no anjakazakan'ireo vahiny eto amin'ity firenena ity. Saika izy ireo avokoa no mitantana ireo orinasa goaibe eo amin'ny mpandrahara solika, ireo orinasa lehibe na afak'haba na tsia, ireo tranombarotra lehibe maro samihafa, ny banky, ny orinasam-pifandraisan-davitra, ny hotely fandrasam-bahiny lehibe, sns... Miasa ao amin'izy ireo ireo zanaka Malagasy aman'hetsiny maro, ary ny karama zara raha mahavelona fotsiny, fa tsy mampitombo harena. Mazava loatra, raha ireo vahiny tsy mitsahatra mitombo harena sy manangana tranobe mijoalajoala etsy sy eroa, ireo Malagasy kosa zara raha manana tranome kely isitrihan'ny loha. Ny zavamisy aza manofa trano sy mifindra trano in-droa eo isan-taona ho an'ny sasany. Izao koa aza iaraha-mahalala tsara, efa anjakan'ny fitondrana frantsay ny harena ao amin'ireo Nosy Malagasy manodidina na "îles éparses". Manarontarona izany fotsiny ny fitondrana Rajoelina.

Raha ny mpitondra, manaiky izany ny sainy, ary iarahany miasa aza ireo matetika, mba tsy ilazana hoe miara-miasa akaiky. Nisy izany, ohatra, tamin'ny resaka vaksiny, ny teny Soamandrakizay, ny fampiasana fiaramanidina manokana azy ireo, ny fano-mezana tany midadasika na dia efa misy tompony aza, sns... Misy mihotsy aza amin'ireo teratany vahiny ireo miezaka manao ampihimamba na "monopole" ny sehatra samihafa eto, fa mitazam-potsiny na mangina na minia mikimpy ny fitondrana Rajoelina. Fantatra izany amin'ny resaka hodit'romby anaovana kiraro, ohatra, izay tsy misy miresaka firy, na zavatra hafa ihany koa. Ireo anefena tena mahakasika ny fainan'ireo Malagasy mba misesatra amin'ny fandrahaharana samihafa na madinika. Tsy misy miteny. Izany ampihimamba izany anefena no anisany voalohany nanakianan'ireo mpanongam-panjakana ny filoha Ravalomanana Marc, kanefa izy ankehitriny no tena manao izany. Ny an'ireo rahateo ilay manana toe-tsaina ory hava-manana.

Araka izany, hampitahotra ny hoavin'ity firenena ity raha izao zava-misy nambara izany no mitohy. Holasa vahiny tompon-tany eto ny Malagasy, fa ny vahiny no manjakazaka amin'ny hareny sy nandroba azy. Ny fitondrana Rajoelina zary toa tsy mihetsi-bolomaso amin'izany akory. Ho very lova nomena sy navelan'ny razany azy ity Malagasy ity. Aza hitako... Sôh'son